

কুঞ্জ-কাননে কুসুমের বাস
 ফুটায় তুলেছে মধুর উলাস
 আবাহন-গীতি বিহগের দল
 গাহে প্রাণমন ভরিয়ে—
 আজি এ মিলন কিবা অমুপম
 মাতৃ-আগমন করিবে ঘোষণ
 প্রীতি-পূরিত দেহ আলিঙ্গন—
 মায়ে লহ সবে বরিষে !

নবজীবনের উন্মেষ।—

পাপ-তমসা-দুঃখ-ঘেরা স্মৃতির তাড়নায়,
 জাগলো একি নূতন ব্যথা নূতন আকাজক্ষায়।
 লাগছে ভালো, সবই ভালো, লেশ অঁধারের নাই,
 তবু ঘেন আছে কোন পরদা সকল ঠাঁই,
 মনের ভিতর বলছে ঘেন 'ধরুগে ছুটে যারে যা,
 'ছিঁড়ে বাধা দে'রে দৌড় তাতেই কিরে শাস্তি না?'
 (আবার) পেছন থেকে ধরুছে টেনে মা'রুছে হেঁচকা টান,
 সব সে ভালো হ'ল অঁধার স্মৃতির অবসান।
 তবে কিরে, এমনি ক'রে, কেটে যাবে জীবনটা
 দেব-দানবের দ্বন্দ্ব কিরে থাকবে লেগে সর্বদা?
 দাওনা ব'লে ওগো তুমি, মাঝে মাঝে যার পাই গো দেখা,
 কোন্ পথেতে চললে পরে ঘুচবে আমার সকল বাধা।
 বলতে তোমায় পাই না যে গো, যোগ্য কথার অভিধান,
 তুমি যে গো সবার বড়, দেবতা তুমি অতি মহান।

শ্রীকৃষ্ণধন বন্দ্যোপাধ্যায়,
 দ্বিতীয় বার্ষিক শ্রেণী, A শাখা।